



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Acta concilij sexti Prouincialis.

urn:nbn:de:hbz:466:1-10502

Iuceri, sed voluntariè; neque ut dominantes in Cleris, sed forma facti gregis, ex animo; Et cum apparuerit princeps Pastorum, percipietis immarcisibilem gloriæ coronam. Cumque alia nonnulla in hanc sententiam dixisset, orationem his verbis absolutit. Illustriss. & Reuerendiss. D. Reuerendissimique Patres, post gratias Deo actas, Ite in pace. Patres omnes assurgentes, inclinauerunt capita dicentes: Deo gratias.

Deinde Secretarius legit mandatum de subscriptionib. quod est huiusmodi.

Illustrissimus & Reuerendissimus Metropolitanus admonet omnes Illustriss. & Reuerendiss. Dominos Episcopos, qui huic sacro Concilio iure intersunt, vt se cùdum Metropolitanum singuli loco & ordine ad altare maximum accedentes, ijs, quæ in sancta Synodo decreta sunt subscriptant. Mandat etiam absentium Episcoporum Procuratoribus, vt nemo eorum sub excommunicationis pena Mediolano discedat, nisi prius sui Episcopi nomine decreta suscipientes, illis subscripterint.

Deinde ipse Illustriss. Metropolitanus super altari se subscriptis. Postea resedit in sua sella, donec Cardinales, & omnes Patres se subscripterunt: qui ordine unus post alium ad Altare accedebant, & primò infra gradus Metropolitanano caput inclinabant, qui leuiter è sella surgens, benigna salutatione eis respondebat: deinde iam Altari propinqui, iterum caput inclinabant, tenentes mitras suas & subscriptebant. Procuratores Episcoporum absentium non subscripterunt se publicè in ecclesia, sed priuatim domi.

Absolutis subscriptionibus Promotor Synodi notarios rogauit, vt de omnibus & singulis, quæ in ea sessione gesta erāt, publica conficerent instrumenta.

Dicto Hymno [Te Deum laudamus] Metropolitanus nihil dicens benedixit populo, & dimissa est Concio, cum iam prima noctis hora præteriisset.

Patres præsentes huic sessioni.

Illustriss. Cardinalis Tranensis Episcopus Placentinus.

Illustrissimus Cardinalis & Episcopus Vercellensis.

Illustriss. Cardinalis Bobba.

Illustriss. Cardinalis Castilioneus.
Hi duo quia honoris tantum gratia, non vti Episcopi aderant, non induerunt pluvialia, federuntque eodem in loco cum alijs Cardinalibus Prouinciae Mediolanen. Episcopis.

Reuerendiss. Hieronymus Vida Cremonen. Episcopus Alben.

Mauritius Petra Episcopus Vigleuanen.

Cesar Gambara Episcopus Dhertonen.

Scipio Estens. Episcopus Casalanen.

Petrus Costaciarius Episcopus Aquen.

Dominicus Bolanus Episcop. Brixien.

Nicolaus Sondratus Episc. Cremonen.

Hieronymus Galaratus Episc. Alexan.

Federicus Cornelius Episc. Bergomen.

Procuratores Episcoporum absentium.

Laudensis.

Nouariensis.

Astensis.

Saonensis; Ecclesia Vintimilienis va-

cat suffragio.

Procuratores Capitulorum & Cleri Eccliarum.

Abbes.

Præpositi.

Adsuit Excellentissimus Senatus Mediolanen. & Nobilium virorum maxima frequentia &c.

ACTA CONCILII SEXTI Prouincialis.

Illustriss. & Reuerendiss. in Christo Pater & Dominus D. Carolus Sanctæ Romanæ Ecclesiæ Presbyter Cardinalis tituli Sanctæ Praxedis, & Sanctæ Ecclesiæ Mediolanen. Archiepiscopus, hoc præsenti anno 1582. die scilicet decimo mensis Maji, Concilii Prouinciale sextum in Cœcilio Prouinciali quinto iam legitimè indictum celebraturus, ad præscriptam rationem in Concilio Prouinciali quarto in Calendario huius anni primò ponit, ac die Epiphaniorum per Reuerendissimum Archidiaconum in Metropolitanâ post solennem dierum festorum mobilium enunciationem solenniter promulgari voluit his conceptis verbis. Hoc item anno, dilettissimi, ad Dei omnipotentis, Beatæq; Mariæ semper virginis, ac Sancti Ambrosij confessoris, & gloriosorū Martirum Prothasisj & Ger-

I 4 uafij

uasij patronorum nostrorum laudem, Concilium prouinciale sextum celebrabitur, die decimo mensis Maij.

Hoc idem vulgari sermone parochis omnibus urbanis intra Missarum solenia de suggestu in publicatione festorum mobilium promulgari iussit, literis in hanc sententiam scriptis.
Reuerendo parocho. D'ordine di Monsignor Illustrissimo Cardinale Arcivescovo, racconto à V. R. che la mattina della Epifania, nel medemo tempo che farà la publicatione delle feste Mobili dell'anno presente secondo il solito, non manchi di publicare la celebratione del Concilio prouinciale sexto, che sarà alli diece di Maggio prossimo.

Dalla Cancellaria Archiepiscopale li 4 di Genaro 1582. Subscripta.
M. Antonius Bellinus Cancell.

Huius rei gratia ad omnes Reuerendiss. Episcopos comprouinciales, item ad Capitula Cathedralium, ac ad testes Synodales, Epistolas subsequentes dedit.

E P I S T O L A
Ad Reuerendissimos Episcopos Comprouinciales.

C arolus S.R.E. tituli Sanctæ Præxedis Cardinalis, Dei Apostolicæque sedis gratia Archiepiscopus Sanctæ Ecclesie Mediolanen. Reuerendiss. Dom. Episcopo N. Comprouinciali nostro, sicutem in Christo Domino, Concilium Prouinciale sextum, quod iampridem decreto promulgato atque edito, in superiori quinta Synodo prouinciali, auctoritate Metropolitana nostra indiximus, auxiliante diuina misericordia, nos hoc anno M. D. LXX X I I . die decimo mensis Maii, ad Tridentinæ sanctionis præscriptum celebrabimus. Et verò quanquam non ignota nobis est pastoralis Amplitudinis Tuæ Reuerendissimæ sollicitudo, proindeque confidimus fore, ut pro debito Episcopalis sui officii munere, & pro sanctæ disciplinæ Ecclesiasticæ studio, cuncta diligenter agat, quæcunq; de Concilio prouinciali certo titulo in Synodo quarta itidem prouinciali, vel vniuersè, vel sigillatim præscripsimus: nihilominus tamen his

literis, Archiepiscopali etiam nostra auctoritate, Episcopalis officii sui vigiliam requirendam censuimus, vt antequam stata illa per nos indicta eius Synodi sexti celebrandæ dies veniat, omnino ea ipsa præstet atque exequatur. Quod reliquum est, pro prudetia, pro q; vigilantia tua pastorali, Amplitudo T. Reuerendiss. ex viderit, quibus, dum in Concilio erimus, in tractationibusque & deliberationibus Synodalibus versabimur, & Christi Domini gloriae in primis seruire, & animarum, quarum Episcopi Pastoresq; sumus, spirituali emolumento atque saluti recte consulere, & muneri nostro pastorali cumulate satisfacere possimus.

In superiori Synodo prouinciali quinta istic testes Synodales delegimus, in Urbe R.D.N. in dioceſi R. N. qui cum abessent, iusurandum ex Decreto prouinciali formulaq; præcripta non praeterirent. His igitur literis Amplitudini T. Reuerendiss. facultatem damus, atque impartimur, vt eos ad se quamprimum accersat, ac iusurandum sibi præstari iubem, ad formulae in Cöcilio prouinciali quanto eo nomine præscriptæ ratione.

Istius præterea Cathedralis Ecclesie suæ capitulum ad Concilium nostrum prouinciale de more inuitauimus, eaque causa in hunc fasciculum epistolam includi insimus, quam ei recte reddi ab Amplitudine T. Reuerediss. postulamus. Quare eo de re iureiurando à Testibus Synodalibus præstito, & de epistola capitulo redditâ, & de aliis etiam rebus, quas Concilio sexti causa his literis scripsimus, quamprimum, & quam diligenter nos certiores faciat. Deus coelestium gratiarum donis Amplitudinem Reuerendissimam cumulet. Mediolani die 29. Januarij 1582.

E P I S T O L A
Ad R.R. Capitula Cathedralium Ecclesiarum prouinciae.

C arolus Cardinalis Archiepiscopus Mediolani &c. Canonis, & Capitulo Ecclesiæ N. salutem in Domino. Deo bene iuante, nos Concilium prouinciale sextum, quod iampridem decre